

Alte Drucke

**STATVTA || ORDINIS DOMVS || HOSPITALIS
HIERV=||SALEM. || [Letzte Seite:] AVSPICIIS AC IVSSV
REVERENDISS. D. || F. CLAVDII DELA SENGLE, || ET TOTIVS
...**

**La Sengle, Claude de
Romae, 1556**

FORMA ELECTIONIS Magistri Hospitalis Hierusalem.

Nutzungsbedingungen

Die Digitalisate des Francke-Portals sind urheberrechtlich geschützt. Sie dürfen für wissenschaftliche und private Zwecke heruntergeladen und ausgedruckt werden. Vorhandene Herkunftsbezeichnungen dürfen dabei nicht entfernt werden.

Eine kommerzielle oder institutionelle Nutzung oder Veröffentlichung dieser Inhalte ist ohne vorheriges schriftliches Einverständnis des Studienzentrums August Hermann Francke der Franckeschen Stiftungen nicht gestattet, das ggf. auf weitere Institutionen als Rechteinhaber verweist. Für die Veröffentlichung der Digitalisate können gemäß der Gebührenordnung der Franckeschen Stiftungen Entgelte erhoben werden.

Zur Erteilung einer Veröffentlichungsgenehmigung wenden Sie sich bitte an die Leiterin des Studienzentrums, Frau Dr. Britta Klosterberg, Franckeplatz 1, Haus 22-24, 06110 Halle (studienzentrum@francke-halle.de)

Terms of use

All digital documents of the Francke-Portal are protected by copyright. They may be downloaded and printed only for non-commercial educational, research and private purposes. Attached provenance marks may not be removed.

Commercial or institutional use or publication of these digital documents in printed or digital form is not allowed without obtaining prior written permission by the Study Center August Hermann Francke of the Francke Foundations which can refer to other institutions as right holders. If digital documents are published, the Study Center is entitled to charge a fee in accordance with the scale of charges of the Francke Foundations.

For reproduction requests and permissions, please contact the head of the Study Center, Frau Dr. Britta Klosterberg, Franckeplatz 1, Haus 22-24, 06110 Halle (studienzentrum@francke-halle.de)

urn:nbn:de:gbv:ha33-1-150200

FORMA ELECTIONIS MA-
gistri Hospitalis Hierusalem.

ptima 1.
ratione
ductino
stri an
tecessor
res pru
denter
et cautè
ad Ma-
gistri

electionem procedere consueuerunt. In capis-
te nāq; & superiore designando atq; eligen-
do status ordinis consistit, multumq; refert
qualis tam nobili coetui præsideat, ac Religio-
nis administrationem teneat. Hæc igitur nor-
ma in Magistri electione à maioribus nostris
sancita, traditaq; seruanda est. Magister cum
gravi morbo implicitum se cognoscit, debet

DE ELECTIONIBVS Tit. xij.

pro ordinis indemnitate bullæ ferreæ & argentæ cuneos, signetum quoq; secretū, quibus uti solet, alicui probo, discreto, & idoneo Religioso cōmendare, aut aliter tuto loco reponi iubere: ne his fraudulenter aliquis uti possit. Quòd si præpeditus ægritudine, aut aliter facere negligeret, qui senescallus præest, id effici procuret & studeat. ipso uita functo, qui ea in custodia habet, illico ad concilium ordinarium deferat, ubi franguntur: ut eorum usus penitus pereat. Demum funeris pompa pro more cum decore & deuotione ordinetur. Qua peracta, congregetur concilium completum, in quo Locumtenens Magistris eligitur, cuius officium usq; ad electionem præceptoris electionis perduret. Postea de spolio & Magistris, statu cum diligētia, anteq; ad electionem procedatur, ordinetur. Quibus rebus compositis, dies electionis indicitur. Cum uerò dies indicta aduenerit in aurora signo campanæ publicæ Aßemblea con-

DE ELECTIONIBVS Tit. xij. 135
uocatur. Magisterij quoq; Locutenens ac fra-
tres in conuentu cōmorantes in ecclesia con-
ueniunt, ubi post missarum solemnias peracta
more & loco solito publicarum Assemblearū
Locutenens ipse præsideat. Baiuliui quoq; et
Priores ac proceres pro ordine consueto se-
deant, causa quoq; congregationis Locumten-
entis organo explicata, iubeat omnes fratres
octo linguarum separatè congregari. Qui suo
ordine (excepto q̄ illius linguæ fratres, cuius
Locumtenens esse censetur, ultimo iurent) in
præsentia ipsius Locutenentis seu uicgeren-
tis totiusq; Assembleæ solemniter iuramento su-
per crucem habitus præstito astringantur, q̄
unum fratrem ex sua lingua illic præsentē,
idoneum & probum pro electionario præce-
ptoris electionis & trium electionariorū Ma-
gistri, scilicet, Militis, Capellani, & seruien-
tis armorum eligent. Facta octo fratrum ipso
ordine electione, ipsi octo electionarij reuer-
enter coram Vicegerente comparebunt, ges-

DE ELECTIONIBVS Tit. xiiij.

nibusq; flexis tota Assemblée audiente et cōspiciente tactis sacris Euangelijs iurent, quòd ritè & iustè unum fratrem militem probū, discretum, & idoneū ex tota Assemblée uel ex ipsis in Præceptorem electionis eligent. Hi siquidem iuramento adacti conclauim intrant, ubi Præceptorem electionis eligunt: et demum sic electum Locumtenenti & Assemblæ significant. Qui uerò in Præceptore electionis designatus fuerit reuerenter genuflexo coram Vicegerète compareat, iuretq; sub forma prædicta q̃ Præceptoris electiōis officium ritè iusteq; exercebit. Eo ipso uicegerēs Magisterij officio abdicatur, & Præceptor electionis præsidet. Coram quo electionarij octo prædicti iterum iuramentum in præfatā formam præstabunt, quòd unum fratrem Militem, unum fratrem Capellānum, & unum fratrem seruientem armorum idoneos, probos & sufficientes pro tribus electionarijs aliorum collegarum electionariorū Magistri

DE ELECTIONIBVS Tit. xiiij. 136
nominabunt & eligent. Ipsum quoq; iuramē-
tum Præceptor electionis in manibus uicege-
rentis præstabit, si de numero octo præfatorum
fuerit, aliter enim in Assemblée remanens
præsideat. His completis, octo electionarij
sic iuramento adacti conclauim intrant,
ubi secreto tres huiusmodi electionarios, Militem,
Capellanium, & seruientem eligent. Quibus electis,
Præceptor electionis, ac toti Assemblæ electos significant intimantq;.
Electione triuuiratus, uidelicet, Militis, Capellani,
& seruientis promulgata, octo electionarij officio functi
censentur, ac ipsi tres religiosi Miles, Capellanus, &
seruiens coram Præceptore electionis cœtuq; publico compar-
rentes forma præacta iuramēto se adigunt,
quod iuste riteq; reliquos electionarios Magistri
hoc ordine eligent, uidelicet, quartum ex
alia lingua q̃ ex suis, & quartus electus modo
præmissio iuramēto adstrictus ad tres accedit,
ipsiq; quatuor quintum, & sic deinceps

usq; ad octo semper ex alijs linguis, ita q; posterior electus pro electione sequentis addatur prioribus. Octo quoq; sic electi nonum eligent, & decimum ipsi nouem, & sic usq; ad numerum xvi. tantum, ita q; ex qualibet lingua sint duo fratres. Facta enim electione octauis, reliqui sumuntur per gradum & ordinem linguarum. Si autem aliquo casu contingente, aliqua lingua his duobus ob defectum fratrum supplere non posset, ex alia sumantur. In eadem autem electione & ex electionarijs possint esse duo capellani, & tres seruientes, & non plures: sed omnino esse debet unus capellanus, unus seruientis ad minus, cæteri uerò milites existent, omnes quoq; legitimo matrimonio nati. Inter hos xvi. electionarios Miles ille triumuir, qui prius ab octo fuit pro milite electus (qui & electionis Miles uocatur) præsidet. Hic quoq; Magistri electionem cæteris astantibus promulgat. Quilibet quoq; xvi. electionariorum

unico

DE ELECTIONIBVS Tit. xij. 137
unico suffragio utitur, excepto Milite electio-
nis, qui ad euitandam suffragiorum paritatē
in Magistri electione duobus utitur suffra-
gijs; atq; ille frater, qui maiorem suffragiorū
partem, hoc est, qui plura uota obtinet, in Ma-
gistrum electus sumptusq; censetur. Postq;
autem dicti xvi. hac norma fuerint electi, mo-
nitu ac iussu Præceptoris electiōis cōfessionē
sacerdoti peragunt, Missamq; deuotē audiūt,
& Eucharistiam reuerenter recipiunt: ut à
uitijs purgati & diuina gratia illustrati Ma-
gistrum dignum, probum, & uirtuosum eli-
gere ualeant. His quidem peractis, electiona-
rij xvi. coram Præceptore electionis ac toto
religiosorum cœtu assistente humiliter com-
parent, reuerenterq; nudi caput, genua fle-
ctunt, superq; sanctum Crucis lignum sacro
sancta; Euangelia & Missæ præfationē ma-
nibus apposis glibet singulariter unus post
alium alta & intelligibili uoce iuret in hæc
uerba: Ego. N. promitto et iuro per hoc sacra-

tissimum Crucis lignum, ac sancta dei Euangelia, & sacrosancta Præfationis uerba omni reiecto odio, timore, amore, præmij spe, aut inordinato affectu, sed in Deum ac Dominum nostrum Iesum Christum oculos & intellectum dirigens ad diuini Nominis gloriam et laudem, Religionisq; Christianæ honorem et cōmodum, ordinisq; nostri decus & utilitatē ritē, iustē, canonicē, secundum dictamen rectæ conscientie pro facultate iudicij propriæ rationis nominare & eligere in Magistrum Hospitalis sancti Iohannis Baptistæ Hierosolymitani et uniuersi ordinis nostri ex omnibus religiosis ordinis nostri fratribus militibus tam præsentibus q; absentibus unum fratrem militem legitimo matrimonio natum, idoneum, probum, uirtuosum, & sufficientem, Magistrumq; capacem, & ita iuro & promitto, sic Deus me adiuuet & sacratissimum Crucis lignum, sanctæq; scripturæ quas manibus tango, & si contra fecero, in periculum

& damnationem perpetuā animæ meæ esse
 censeatur. Quo peractō lignū osculetur Cru-
 cis, atq; scripturas sacrosanctas. Deinde sic
 omnibus electionarijs iuramēto adactis, Præ-
 ceptor electionis ac omnes et singuli fratres
 Assembleæ super crucem sui habitus promit-
 tant & iurent se pro Magistro & superiore
 admissuros, & ratum ac firmum habituros,
 quem præfati electionarij pro maiori parte
 uotorum elegerint. Dicti enim xvi. electio-
 narij sic iuramēto astricti illico nullos quavis
 de causa alloquētes, aut nutu seu signo quid-
 piam significantes, à conspectu Præceptoris
 electionis & totius Assembleæ discedunt, lo-
 cumq; secretum adeunt, conclauimq; intrant,
 portisq; clausis, ita ut nulli pateat aditus, de
 eligendo Magistro disceptāt. In cōclauī enim
 oēs electionarij pro libero rōnis arbitrio intre-
 pidē, quod libuerit proponāt, mores, uirtutesq;
 ac uitia doceant, de hisq; disceptent. Habitoq;
 diligenti scrutinio, per tacita suffragia (hoc

DE ELECTIONIBVS Tit. xiiij.

est balottas in pixides secreto iniectas) Magistrum eligūt. Pro uno quoq; eorum de quibus disceptatio habita fuerit separato balottetur, prout in concilio fieri solet. Sic qui plura suffragia habuerit in Magistrum electus censetur, quem & nō alium electionis Miles haud dubiō promulgare debeat. Electiōe peracta, electionarij à conclauī discedunt, comparentq; coram Præceptore electionis ac uniueris fratribus cœtu, trinaq; rogatione facta: Si ratum habent, quod egere? terq; affirmantibus gratum habere, tunc electionis Miles alta & intelligibili uoce cæteris electionarijs assistentibus Magistrum nominat & promulgat. si electus affuerit, reuerenter ad altare maius ducitur, ubi super Statutorum uolumine positus manibus promittit & iuramento solemni iurat Regulam, Stabilimenta, & laudabiles ordinis consuetudines se seruaturum, & quod ordinis negocia de consilio procerū reget, ordinabit, & executioni demandabit.

si autem electus absens fuerit, cum ad conuentum uenerit, pari iuramento astringatur, antequam Magistrali gaudeat præeminētia. His peractis, electo absente concilium completum eius uicegerentem eligit, qui usq; ad Magistri aduentum officio fungitur. si electus præsens fuerit, de locumtenente prouidet.

F. Nicolaus Lorgue.

STatuimus quòd fratres ordinis nostri, in 2.
loco ubi electio Magistri celebratur, arma gestare non præsumant. si quis contra fecerit, statim suffragio priuetur, et si de eo plura fiat, habitum perdat.

Quòd electio Baiuliuorū et Priorū fiat per Magistrum & conciliū ordinarium.

F. Petrus Daubusson.

Ex antiqua consuetudine electio Priorum, 3.
Castellani Empostæ, & Baiuliuorum ad Magistrum & concilium ordinarium pertinet. Quapropter prohibemus omnibus ordinis nostri fratribus cuiuscunq; conditionis

DE ELECTIONIBVS Tit. xij.
fuerint, quouis quæsito colore aut prætextu
ad ipsorum electionem aut assumptionem pro-
cedere, aut in talibus cōgregationibus suffra-
gium dare uel interesse. Qui autem contra
fecerint, eo ipso habitu priuati censeantur,
quem nunquam recuperare possint. Eaq; ele-
ctio nulla sit: Electus quoq; si quouis modo
eam procurauerit, habitu priuetur, prout con-
suetum est: salua tamen semper linguæ no-
minatione.

De modo electionis Priorū et Baiuliuorū.

F. Baptista de Vrsinis.

4. **S**tatuimus q̄ quandocunq; Magister &
concilium ordinarium ad electionem Ba-
iulii conuentualis procedent, postquam au-
diti fuerint qui Baiuluatum more solito pos-
tulant, discussis prius petentium moribus et
uirtutibus per eos qui in concilio aderunt, nō
seruato ordine sed pro arbitrio, per Magistrū
ante usum balottarum iuramentum solemne
super crucem habitus præstitū de Baiuluis,

DE ELECTIONIBVS Tit. xiiij. 140
Prioribus, et assistentibus in concilio pro electione facienda recipiatur, quod uirum idoneum, utilem, dignum, atq; præstantiorem, habita potius ad sufficientiam & benemerentiam quàm ancianitatem consideratione, Bauiulium eligent. Et sic per scrutinium balotarum electio fieri debeat. Pariformiter Priorem Ecclesiæ cæterosq; Priores et Bauiulios capitulares eligi & creari præcipimus, linguarum smutatione pro ueteri consuetudine semper reseruata.

De electione Prioris Ecclesiæ.

F. Iacobus de Milly.

Quanto magis dignitas spirituale cõcer nit, tanto magis in promouendo ad eam dignitatem uiro consideratio habenda est. igitur statuimus quod uacante Ecclesiæ nostræ Prioratu, Magister & concilium ordinariū matura & graui deliberatione ad Prioris Ecclesiæ electionem conueniant & procedant: atq; de capellanorum nostrorum omnium lin

DE ELECTIONIBVS Tit. xij.

guarum moribus, uita, doctrina, sufficientia
diligenti discussione habita, unum capellanū
probatæ uitæ, diuinorumq; expertum, peritū,
doctūq; in Priorem assumant & eligant.
Qui electus assiduam in conuentu residentia
facere teneatur. Et si aliqua urgente necessi-
tate extra conuentum mittatur, terminus q̄
citius remeandi à Magistro & concilio ordi-
nario ei præfigatur.

Quod tam præsentēs q̄ absentes eligi
possunt in Priores & Baiulios.

F. Antonius Fluuianus.

6. **S**tatuimus q̄ Magister & concilium fra-
tres in cōuentu præsentēs ac etiam absen-
tes ad Baiuliatus, Prioratus, et Castellania
Empostæ dignitatem assumere possint, habita
ratione uirtutis, prudentiæ, sufficientiæ et
meritorum eorum qui sunt eligendi. ita tamē
q̄ (prout est statutum) annos professionis et
residentiæ in conuentu compleuerint.

De ancianitate assumendorum in

Priores seu Baiuliuos.

F. Ioannes de Lastico.

Decens est & necessariū ut qui ad statum ordinis nostri assumēdi sunt, illius peritiam, atq; experientiam rerum nostrarū habeant; idq; fieri nō potest, nisi per multum tempus in eo uersati fuerit. Quapropter statuimus quōd nullus fratrum nostrorum in Baiulium aut Priorem assumi seu eligi possit, qui non annos xv. habitum nostrum portauerit ab eo die numerandos, quo in conuentum primum uenerit, et receptus fuerit, atq; sub uera obedientia nostri ordinis inculpate uixerit. 7.

F. CLAVDIVS de la sengle.

Dummodo de illis annis xv. decē simul aut per interualla hic in conuentu residentiam fecerit: exceptis his, qui nunc habiles & idonei sunt ad petendas & cōsequendas dignitates, uel intra quinquennium à die publicationis huius statuti, iuxta tenorem ue-

teris Statuti habiles et idonei reperientur, qui soli ab obseruatione huius legis excepti sunt.

Quod in petitione dignitatum fratres iniurijs uerbis non utantur.

Idem Magister.

2. **P**robibemus fratribus nostris in petitione dignitatum, competitorum suorum uitia aut errata uel turpe quidpiam quomodolibet publicare, aut allegare, iniurijsq; aut conuitijs alter alterum afficere, neq; quidpiam in eos dicere, quod in eorum uita & moribus notā inurere possit. Poterunt tamen pro iure suo tuendo allegare defectus, per quos tenore statutorum nostrorū à petitione & consequutione dignitatum excludi possūt, utpote debitorum cōmunis aerarij, residētiae non factae, deteriorationis cōmendarum, melioramētorum non factorum, & aliorū huiusmodi. Qui contra fecerit, à petitione sua cadat. si uerò quis uis alius non competitor huiusmodi crimina inter petēdum obiecerit, ipso facto antequam

DE ELECTIONIBVS Tit. xij. 142
ad electionem procedatur, priuatur ancianis
tate duorum annorum.

De electione Procuratoris generalis
in Romana Curia.

F. Iacobus de Milly.

IN quolibet capitulo nostro generali procurator ordinis nostri in curia Romana reuocatus intelligitur: alius itaq; eius loco ab ipso capitulo est subrogandus. Nihilominus, si Magistro & conuentui certis de causis uidebitur, poterunt inter duo capitula de alio pro uidere, priore reuocato. Magister igitur & capitulum generale procuratorem constituentes, diligenter conspiciant & maturè prouideant, Religiosumq; dignum, prudentem, & benemeritum in generalem procuratorem eligant. Qui quidem electus in Romana curia resideat, & honestis uestibus decentiq; ornatu incedat: ordinis quoq; nostri priuilegia, gratias, libertatesq; tutetur: concessionem, donationes, & prouisiones Magistri et conuentus

DE ELECTIONIBVS Tit. xij.
tus defendat: Fratribus rebellibus & inobedi-
entibus resistat & obsistat, ipsosq; cum ri-
gore prosequatur: obediētes uerò foueat, ad-
iuuet, & gratis omni reiecto munere defen-
dat: Magistrum & conuentum certiores de
negocijs reddat. Nec aliud à fratribus no-
stris pro labore exigat, sed communis ærarij
stipendio contentus existat.

De modo eligendi Thesaurariū generalē.

F. Petrus Daubusson.

- II. **S**tatuimus q̄ Thesaurarius generalis ue-
nerandæ linguæ Franciæ Baiulius capitu-
laris eligatur per Magistrum & conciliū
ordinarium modo & forma, qua alij Baiuli
ui capitulares eliguntur, de fratribus dictæ
linguæ tam in conuentu q̄ extra, habito po-
tius respectu ad benemerentiam & sufficien-
tiam q̄ ancianitatem: salua tamen smutitio-
ne ipsius linguæ. Quodq; ipse Baiulius The-
saurarius retento titulo Baiului Thesaurarij
possit è conuentu discedere cum licentia con-

cedenda eo modo, quo alijs Baiuliis capitularibus per Magistrum & concilium completum conceditur, & gaudeat prærogatiuis tã præsens q̃ absens à conuentu, quibus gaudet cæteri Baiuli capitulares. Intellecto quòd habeat custodiam bullæ ferreæ sub sigillis cõsuetis modo solito. In eius autem absentia à conuentu Magister & concilium eligant & deputent locutētem Thesaurarij, qui dictā bullam custodiat: quia in conseruatione ipsius bullæ non paruum pondus existit.

De electione Castellani.

F. Petrus Raymondus Zacosta.

Statuimus quòd officium Castellani detur ^{12.}
per Magistrum et concilium completum,
qui religiosum idoneum & ancianum saltē
octo annorum ad id officium eligant per or-
dinem linguarum: locumtenentem autem Ca-
stellani Magister auctoritate propria ex præ-
eminencia Magistrali eligit,

Forma electionis Castellani.

F. Fabritius de Carreto.

13. **E**lectio Castellani sic fiet, Magister & concilium completum accipient prius in scriptis à Rilerio linguæ, cui per turnum & ordinem id officium spectabit, nomina fratrum ancianorum ad minus annorum octo in conuentu existentium, quæ in dicto concilio legentur, & personarum qualitas examinabitur; deinde cum scrutinio balottarum ex eis unus, qui magis sufficiens et idoneus dijudicatus fuerit, eligitur. Prohibeturque ne lingua de dicto officio smutet, aut fratrum aliquis ad petendum id officium in concilio admittatur. Electus autem coram Magistro & concilio constitutus faciet solemne iuramentum de rectè & iustè omni semota labe officium exercendo. Et hæc electio non præiudicet alijs in asequutione promotionum in Religione.

De electione Capitanei exercitus terre
restris & classis.

F. Petrus Raymondus Zacoſta.

IN Capitaneo & belli duce summa diligen-
tia & rerum agendarum experientia re-
quiritur. Hinc est quod pro tuitione insulae no-
strae uolumus et statuimus q̄ in electione Ca-
pitanei exercitus terrestris aut classis, quae
fieri debeat per Magistrum & concilium cō-
pletum (ita quod tres partes suffragiorum cō-
sentiant in unum) habeatur potius respectus
ad benemerentiam & idoneitatem q̄ ancian-
nitatem: sine tamen praēiudicio ancianorum.
Ita tamen q̄ si linguae Aluerniae pro Capitane-
neo terrae sufficiens & idoneus reperiatur,
is ad capitaneatū ante alios assumatur. si ue-
rò sufficiens nō reperiatur, alius idoneus pro
illa uice deputetur, sine praēiudicio linguae et
ancianorum. Et sic de capitaneatu classis sta-
tuimus, q̄ si in lingua Italica sufficiens repe-
riatur, classi praepōnatur. si minus, alius pro
illa uice deputetur, sine praēiudicio linguae
& ancianorum ut dictum est.

De electione iudicum Castellaniae.

F. Ioannes de Lastico.

15. **M**agister & concilium ordinarium uir-
 ros probos, integros, & doctos iudices
 appellationum & ordinarium eligāt, qui per
 quodlibet biennium mutari debeant, ne tēporis
 assiduitas sinistri occasionem afferat.

De electione Procuratorum pauperum.

F. Baptista de Vrsinis.

16. **E**ligantur & deputentur per Magistrum
 & concilium cōpletum duo religiosi pru-
 dentes & idonei: qui curā incarceratorum,
 pauperum, ægrotorum, uiduarum & pupillo-
 rum habeāt, eosq; suis in iuribus tueantur et
 defendant: ne dolo, fraude, & penuria defi-
 ciant, & iusticia in suis causis ministretur,
 pro quorum suffragio et præsidio coram Ma-
 gistro & concilio & in quocunq; loco com-
 parere possint: ne calumniā aut iniuriā quos
 quomodo afflictī patiantur.

F. CLAVDIVS de la sengle.

17. **Q**uorum procuratorū alter sit literatus,
 & stipendium

DE ELECTIONIBVS Tit. xij. 145

& stipendium ab ærario habeat.

De custodia facienda in turri castri

Rhodi per quatuor fratres.

F. Emericus Damboise.

Quia urbs Rhodi in limitibus infidelium 18.
constituta est, oportet diligentia utamur
in ipsius custodia. Igitur statuimus quod ue-
nerandus Marefcallus aut eius locumtenens
de tempore in tempus (prout ei melius uide-
bitur) eligat quatuor fratres diuersarum lin-
guarum, qui qualibet nocte in turri castri Rho-
di continuam residentiam faciant, et per to-
tum annum continuas nocturnas guardias in
dicta turri exerceant: ex quibus unum pro
capitaneo nominabit. Quos ipse ut suos depu-
tatos sæpius uisitabit, & defectus corriget.
Habeatq; auctoritatem inutiles à dicta guar-
dia remouendi, & alios remotorum loco sub-
stituendi. Tamen non est permixtum posse
aliquem in dicta guardia retinere, qui in di-
ctis guardijs supra tribus uicibus defecerit.

T

Quibus quidem fratribus quatuor pro eorum annuo salario & stipendio assignamus summam florenorum Rhodi currentium nonaginta sex, uidelicet, florenos xxiiij. pro quolibet fratre, quod à nostro communi aerario capiet. Et quia hoc stipendiū est ad onus uenerabilium Baiuliuorum conuentualium & capitularium, eorumq; locatenētium, ac Priorum pro tempore Rhodi residentium (excepto Priore Ecclesiæ) & non ad expensas communis aerarij: ideo eius scriba, quando de trimestri in trimestri faciet computum tabularum prædictorum Rhodi residentium, pro æquali parte diuidat dictum stipendium inter prædictos Rhodi residentes, & eorum tabulis demat summam trimestris dicti salarij deputati antedictis quatuor fratribus faciendis guardiam. Et hæc ordinatio executioni mandetur prima die Martij proximi uenturi, & futuris temporibus continuabitur. Cassaturq; & aboletur consuetudo collecta-

DE ELECTIONIBVS Tit. xij. 140
rum dandarum per antedictos uenerandos
Baiuliuos, & eorum locatenentes, ad quas
præstandas amplius non teneantur, nec alij
fratres in conuentu residentes de cæ
tero (prout hætenus fuit ob-
seruatum) grauabūtur
dicta guardia.



T ij